

Pūlega a le 'A'ai o Ueligitone – 'Auai

'Anotusi

1. Aotelega
2. Tautala i totonu o Fonotaga
3. Fa'afeso'ota'iga o Faipule o le Pūlega
4. Talosaga ma Tagi
5. Fa'amatalaga o le Matāgāluaga

1. Aotelega

E faia e le Pūlega a le 'A'ai o Ueligitone ni fa'ai'uga tāua se tele e ono āfāina ai le lautele o tagata 'ese'ese i totonu o le 'a'ai. 'Ina 'ia faia ma le lelei 'āto'atoa nei fa'ai'uga, e fa'alagolago le Fono i le 'au ai ma le fautua mai o tagata Ueligitone.

'O lou tu'uina atu o ou manatu i le Pūlega, 'o le isi lea 'auala e mafai ai ona aofia sou sao i le 'a'ai o Ueligitone ma fesoasoani ai 'ina 'ia latou maumaututū i lo latou fa'amaoni i le faia tutusa ma le maopoopo o tagata 'uma i a latou fa'ai'uga

E mafai ona tu'uina atu lou sao pe'ā fai sou manatu i taimi o fonotaga a le fono a le Pūlega, feso'ota'i sa'o i Faipule o le Pūlega, faia o ni au talosaga fa'apea ma ni au tagi.

Fa'asilasilaga: 'Olo'o maua 'uma i luga o le 'upega o feso'ota'iga a le Pūlega fa'amatalaga mo le Fetufā'iga i gagana 'ese'ese.

2. Tautalaga i totonu o Fonotaga

'O lou tautala i totonu o fonotaga a Faipule 'o se 'auala lelei lenā mo 'oe e fa'aali ai ou manatu i matā'upu e uiga i le 'a'ai i tou sui palota. E o'o atu i le 15 minute le taimi 'ua fa'aavanoa mo tagata lautele i le 'āmataga o Fono ta'itasi a Komiti, Komiti Lāiti ma le fono a Sui o Tagata Lautele (Community Board).

Fa'amolemole 'ia silafia, 'o le 'au ai o tagata lautele i lenei fonotaga e lē 'o se avanoa e fa'atalosagaina ai fa'amatalaga ma fautuaga mai le 'aufaigāluaga po'o Faipule o le Pūlega. 'A iai ni talosaga fa'apea, telefoni le Pūlega a le 'A'ai o Ueligitone i le (04) 499 4444.

Fuafuaina o se taimi e te Tautala ai

'A 'e fia talanoa i se Faipule, fa'afeso'ota'i le vāega o 'Au'aunaga Fa'atemokarasi. Latou te fautua atu ia 'oe i se taimi talafeagai mo se feiloaiga ma 'oe.

'A 'e telefoni mai, sāuni fa'amolemole e ta'u i le 'ōfisa o 'Au'aunaga Fa'atemokarasi (Democratic Services):

- lou igoa ma feso'ota'iga e maua ai 'oe
- le fa'alāpotoptoga 'o fai 'oe ma sui, pe'āfai e iai
- matā'upu o lau fa'amatalaga – i fono a le Pūlega e na'o matā'upu lava 'ua fa'atūlagaina e mafai ona 'e tautala i ai.

'O ni mea tāua e uiga i le 'au ai o tagata lautele:

- E tatau ona talosaga i le 'ōfisa o 'Au'aunaga Fa'atemokarasi pe'āfai e te mana'o e fai sau tautalaga i se fono i le 12 aoauli o le aso 'a'o lumana'i ai le fono.
- E fa'atapula'a le nūmera o tagata lautele e mafai ona tautatala i fono ta'itasi. 'Āfai e to'atele le nūmera o le 'au talosaga e fia tautatala, e faia e le Ta'ita'ifono le fa'ai'uga po'o ai e tautala.
- 'O sui 'au ai o tagata lautele e i le va o le tolu ma le lima minute le 'umi ona tautala, fa'alagolago i le nūmera o sui 'au ai i lēna aso. 'Ole'ā fa'ailoa atu e le 'ōfisa o 'Au'aunaga Fa'atemokarasi i le aso 'a'o lumana'i ai le fono le 'umi o lau tautalaga.
- E mafai ona 'aumai ni au pepa tusitusia e fa'amalosia ai lau mau po'o lou tāofi. Fa'amolemole 'ia mautinoa le lava o au kopi e avanoa mo Faipule i le fesili i le 'ōfisa o 'Au'aunaga Fa'atemokarasi pē fia kopi e 'aumai.
- E mafai ona maua mai ni au kopi o polokalame ma līpoti i le lua o aso 'ae le'i faia le fono mai le fale faitautusi e lata ane 'iā te 'oe, po'o le Pūlega po'o le 'initaneti fo'i.

I taimi o Fono

'O fono a le Pūlega e mamalu, 'o lea fa'amolemole 'ia mālamalama ma taumulimuli i tulāfono faigōfie nei:

- 'Ā 'e taunu'u mai, e fa'afeiloa'i 'oe e le Faufautua a le 'ōfisa o 'Au'aunaga Fa'atemokarasi ma na te ia fa'asino lou nofoaga fa'apea ma le mea 'e te tū ai pe'ā o'o i le taimi 'e te saunoa ai i le fono.
- 'Āfai 'ua 'e 'aumaia ni au pepa tusitusi, fa'amolemole tu'u i le Faufautua e tufaina.
- I le 'āmataga o le fono e fa'asolo mai e le Ta'ita'ifono le tapenaga o matā'upu ona lafo atu lea i tagata lautele o 'au ai.

Tautalaga

- 'A o'o i lou taimi e talanoa ai, e fa'alauiloa aloa'ia 'oe e le Ta'ita'ifono i Faufautua ma talosaga 'oe 'e te aga'i mai i le mea 'e te tautala ai.
- E fautua atu fo'i le Ta'ita'ifono 'iā 'oe i le 'umi 'e te tautala ai. E taimi 'oe. Fa'aeteete ma fa'aaogā lelei lou taimi.
- E tāua le lē fa'alavelave i Faufautua 'a'o faia a latou fa'amatalaga ma 'aua 'e te tautala vaganā 'ua talosaga atu le Ta'ita'ifono.
- E mafai ona fa'a'uma e le Ta'ita'ifono lau fa'amatalaga pe'āfai e lē fa'aaloalo ma lē logo lelei.
- 'Ā 'uma loa ona fai lau fa'amatalaga, e ono fia fesili atu le Fono a Faipule 'ina 'ia fa'amālamalama atili lou tūlaga.

3. Feso'ota'i mai i Faipule

'O Sui palotaina o le Pūlega e aofia ai le Pulenu'u ma Faipule e sefulu ma le fā e vaevae i itūmālō 'ese'ese e lima.

E mafai ona fa'afeso'ota'i sa'o mai le Pulenu'u ma Faipule 'auā sou sao. 'O fa'amatalaga e feso'ota'i mai ai 'olo'o avanoa i luga o 'upega o feso'ota'iga pē telefoni mai i le Fono Faufautua i le (04) 499-4444

ʻĀfai ʻe te lē ʻo iloa poʻo ai Faipule ʻoloʻo tūlaʻi mai mo le pitonuʻu o lo ʻoutou ʻaʻai, tagaʻi ane i le faʻafanua i luga o le ʻupega o fesoʻotaʻiga i Ward Maps a Pitonuʻu taʻitasi.

4. Talosaga ma Tagi

Talosaga

E fesili atu le Fono i lea taimi ma lea taimi mo ni talosaga mai i tagata lautele i ni matāʻupu faʻapitoa. ʻO le talosaga o se faʻamatalaga e faʻamatala ai ou lagona i le Fono. E māsanī lava ona tūsia faʻamatalaga ʻae mafai foʻi ona momoli atu peʻā faʻatalanoa i le Fono poʻo le komoti ʻautū e le tagata talosaga.

E fesili atu le Fono mo ni talosaga i itū faʻapitoa se tolu:

- faʻaiʻuga faʻalauʻaitele a le Fono (aofia ai aiaiga maumaututū, tonu faʻataʻatitia, tulāfono lagolago ma Fuafuaga a le Pūlega)
- Faʻasalalau Suiga o Fuafuaga a le Itumālō
- Faʻasalalau faʻatagaga o Alagāʻoa.

E mafai ona ʻaumai sau talosaga i luga o le ʻupega o fesoʻotaʻiga pē telefoni mai i le (04) 499 4444.

Tagi

Soʻo se tagata poʻo se faʻalāpotopotoga, ʻoleʻā mafai ona tuʻuina atu sana tagi e uiga i soʻo se matāʻupu i totonu o le Pūlega, i le Fono aoao poʻo nisi o ana komiti. ʻOleʻā mafai ona tuʻuina mai lau tagi i soʻo se ʻauala ʻae ʻo le mea tāua, ʻoloʻo manino mai lona sini, ma le faʻaiʻuga ʻoloʻo ʻe manaʻo e faia.

ʻĀ mēʻa loa ona sāunia lau tagi mo le Fono, faʻafesoʻotaʻi mai le ʻōfisa o ʻAuʻaunaga Faʻatemokarasi. Latou te fautuaina ʻoe i se fono talafeagai e momoli ai lau tagi.

5. Faʻamatalaga Auʻiliʻili

ʻĀfai e iai ni au fesili, faʻafesoʻotaʻi mai le ʻvāega a le ʻōfisa o le ʻAuʻaunaga Faʻatemokarasi.

Democratic Services

Wellington City Council
101 Wakefield Street
PO Box 2199
Wellington

Phone: (04) 801 3486

Fax: (04) 801 3020

Email: public.participation@wcc.govt.nz